



Bentiaraq Ottosen

UPA 2026/180

Atassut

2. Juni 2026

Tasiilami eqqaanilu suliffissaaleqinerit annikillisarnissaannut, suliffissaqartitsinissamut, aammalu pilersuinissamut isumannaallisaanissamut Naalakkersuisut iliuusissatut pilersaarummik suliaqaqqullugit peqquneqarnissaannik Inatsisartut aalajangiiffigisassaattut siunnersuut. Iliuusissatut pilersaarut upernaakkut 2027-mi ingerlanneqaleriissaaq.

(Inatsisartunut ilaasortaq Gerth Mikaelen, Naleraq)

Tasiilami aamma nunatta kangiani suliffissaaleqinerup annikillisarnissaa suli pingaartuuvoq, kisiannili pisortanik utaqqiinangikkaluarluni namminersortutut inuussutissarsiuteqartut periarfissaat nuna tamakkerlugu pitsanngorsarneqartariaqarput. Suliffissaqartitsinerup annertusarnissaa aammalu pilersuinissamut isumannaallisaanissaaq pillugu Naalakkersuisut iliuusissatut pilersaarusiornissaat attanneqartoq oqaatigineqarsinnaavoq, tassuunatigut pingaartuuvoq eqqartussallugu "Attasiinarnissamut Ineriartortitsinermullu pilersaarut II" aammalu Naalakkersuisut Suliffeqarnermut pillugu nalunaarusiaat 2024-imeersoq.

Atassummiit pingaartipparput suliffeqarneq pillugu periarfissat unammilligassallu imaanaangitsut qaangernissaanut suliffeqarfinnut namminersortunut oqilisaasinissaaq, tassuunatigut suliffissaqartitsinikkut unammillernartut qaangernissaanut inatsisitigut isumannaatuutitsinissaaq qulakkeerneqarnissaa. Ukiorpasuanngortuni Tunumi innuttaasut immikkut ittunik unammilligassaqarput, tamanna aamma nunatta sinnerani suliffeqarneq unammillernartuunera takussutissaqarpoq. Tamanna qaangerniassagutsigu kivitsisariaqarpugut inatsisitigullu illersorneqarsinnaasumik qulakkeerinnittariaqarpugut, taamaattumik politikikkut siunnerfiit ataatsimoorullugit suliarineqartariaqartut isumaqarluta.

Tunumi suliffissat killeqaput, inuussutissarsiutit assigiinngisitaarnerat annikitsumik inissisimapput, aammalu inuusuttorpasuit ilinniariartorlutik imaluuniit suliffissarsiorlutik nunap immikkoortuanut allanut nuuttarput. Tamanna innuttaasunut, ilaqutariinnut aammalu najukkami inuiaqatigiinnut sunniuteqartoq oqaatigineqarsinnaavoq. Taamaattumik suliffissaqartitsinerup annertusarnissaa pisariaqarpoq, kisiannili pisortanut utaqqiinangikkaluarluni suliffeqarfiit namminersortut atugassarititaat nuna tamakkerlugu iliuuseqarfigineqartariaqarpoq.

Iliuusissatut pilersaarutit eqqarsaatigalugit Atassummiit inuussutissarsiornermik ineriartortitsinissamut periarfissat atorluarneqartariaqarput, assersuutitut taaneqarsinnaasut tassaapput aalisarnikkut, takornariaqarnikkut, sanaartornikkut, sullissineq pitsaanerusinnaaneranut periarfissat sumiiffinni aningaasarsiornikkut patajaallisaanermut toqqammavigineqarsinnaasut. Taamaattumik pilersuinerup patajaatsuunissaa pingaaruteqarpoq, assartuusinnikkullu periarfissat pitsaanerusumik sunniuteqarnissaat pingaartuuvoq.



Suliffeqarfiit sumiiffimmi namminersortut amerlanerulerpata suliffissat amerlanerulissapput, tamanna inuussutissarsiornikkut innuttaasunut aningaasarsiornikkut atugassaqartitsinermi pitsaanerulersitsissaaq.

Nunatta kangiani pilersuinissamut isumannaallisaaneq aamma immikkut pingaaruteqartut ilagaat, upalungaarsimaneq assartuusinerlu annertusinerisigut attaveqaasersuutit pisariaqavissut aallaavigalugit nunap immikkoortua ineriartortinneqarsinnaalissaaq.

Atassummiit siunissaq ungasinnerusoq isigalugu suliffissaaleqinerup akiortuarnissaanut periarfissat atornerqartut pitsaanerulersikkumavagut, oqaatigineqarsinnaasutut suliffimmi misiliinermi pikkorissarnermilu periarfissat inuiaqatigiinnut annertunermik paasissutissiissutigissallugit pingaaruteqartut ingerlateqqinneqartariaqarput. Eqqortuuvormi aningaasaqarnikkut patajaatsuunissaaq anguneqarnissaa, nuna tamakkerlugu ineriartorfiusoq pingaaruteqarmat.

Taama oqaaseqarluta Naalackersuisut allannguutissatut siunnersuutaat taperserparput, Inuussutissarsiornermut aatsitassanullu ataatsimiititaliamut innersuullugu inassutigaarput.